



VRbanus à pueris operam literis dedit, & felici ingenio fretus, prima artium & linguarū rudimenta facile in patria didicit. Inde se 1520 ad academiam Basiliensem contulit, & sacris literis in uigilare cœpit, idq̃ tanta diligentia, ut Theologiæ Doctor crearetur. Postea quoq̃ Augustæ concionator factus, magna dexteritate docuit, ac docendo & scribēdo effecit, ut Erasmo Roterodamo familiaris, & doctissimis Theologis connumeratus fuerit. Itaque Ernestus dux Luneburgicus anno 1530 in comitijs Augustanis, ab eo loco Urbanum secum duxit, & Ecclesijs suæ ditionis Superintendentem dedit. Deinde cum doctorū uirorum col-

loquium passim in Imperij comitijs institueretur, Urbanus interfuit, & præsertim 1540 Hagenoæ cum aduersarijs disseruit. scripsit is collationem religionis Romanæ ad ueterem Euangelicam & Apostolicam: Prophetias quoq̃ ueteris Testamenti collegit & explicauit. Inde Eccj librum de Missa confutauit, atq̃ locos communes ex patribus conscripsit, cum multis alijs Latinè & Germanicè editis, quibus ingenij sui uires posteris significauit. Cum hoc modo Hamburgi & alibi diu Ecclesijs præfuisset, tandem obiit, & magnum sui desiderium reliquit. Con. Gess.